



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Magnificat Anima mea Dominum.

[urn:nbn:de:hbz:466:1-47773](#)



Magnificat Anima mea Domi- num.

I.

Considera, quām diversa sit ratio quā
DEUS magnificat hominem, ab illa, quā
homo magnificat DEUM. DEUS magnifi-
cat hominem efficiendo illum magnum *Quid
est homo quia magnificas eum?* dixit Job, & di-
xit *magnificas, non magnificasti*: si enim animum adverte-
ris, DEUS nunquam hoc facere desinit, semper magnum
efficit hominem; dum non contentus magnum jam illum
fecisse dotibus naturae, semper paratus est facere illum ma-
jorem majorēmque dotibus gratiae, & maximum exel-
lentiā gloriæ. Homo ē diverso magnum facit DEUM,
dum se ante hunc tanto magis abjicit, parvumque facit,
quod magis ab ipso attollitur & major efficitur, deprimen-
do se, vilipendendo, refundendōque in ipsum omnes
omnino favores, quos tanta ab eo benignitate accepit. *Ma-* Psal. 68.
gnificabo eum in laude, non me, sed eum. Atque hoc est v. 31.
quod ante omnia fa- ere studuit Virgo Sanctissima. Cūm
enim audiret se ab Elisabetha tam sublimi ratione prædicari
iis verbis, *Beata quæ credidisti, quoniam perficiuntur ea quæ
dicta sunt tibi à Domino;* non negavit illi prærogativas exi-

A 2

mias in se collatas; cùm inficiari illas nec posset, nec debebat. Non poterat, quia animi demissio non tollit Animæ aspectum donorum, quibus locupleratur: non debebat, quia cùm Virgo electa esset ad dandum testimonium admirandis illis operibus, quæ DEUS in illa efficere decreverat, idem futurum erat omni in occasione illa dissimulare, ac illa penitus negare. Quid egit igitur? Professa est apertè, in Mysteriis circa & in se gestis, solum DEUM magni esse faciendum, solum DEUM agnoscendum, cùm omnia sine discrimine ab ipso uno manarent. *Magnificat anima mea Dominum.*

**Eccl. 7.
v. 19.**

**Plat. 144.
v. 3.**

Disce tu hinc, quâm immetitò conqueraris, quando dicis, nescire te, quid facere pro gloria DEI debeas. En illud paucissimis. *Humilia valde spiritum tuum.* Deprime te in ejus oculis omni meliore modo quo potes: altè in animum demitte, quòd tu ex te nihil sis, nihil scias, nihil possis boni. Dic siquid uspiam habes æstimatione aliquâ dignum, id totum esse ab Ipso, & ita tu confessim eam dabis ipsi gloriam, quæ majorem illum facit non in se, sed in te ipso. Nequit in semetipso crescere DEUS, quia Magnitu-

do ejus omnis mensuræ expers est: *Magnitudinis ejus non est finis.* Potest tamen in te magis magisque crescere; cùm liquidem proportione, quâ in te crescit vilis tui æstimatio, quam de te in donis à DEO acceptis concipis, crescit in te DEI æstimatio.

Verum est, quòd Virgo non contenta DEUM summè magnificare in se ipsa, eundem in aliis quoquè summè magnificârit. Ille siquidem DEUS, qui antequam humanâ sc carne vestiret, non erat notus, nisi in uno aliquo terræ angulo; *Notus in Iudea DEUS:* non diu post assumptam hominis naturam toti planè Mundo innotuit. *Magnificatus*

*sus est Dominus, quoniam habitavit in excelso; hoc est, quia
pependit in ligno, ut explicat Hugo, implevit Syon judicio Isa. 33.
& justitia: judicio in Prælatis, justitia in subditis. Et pos-
to hoc, rectè dicere poterat Virgo, Magnificat anima mea
Dominum: ipsa enim dedit DEO illam carnem, cuius gra-
tiā, tanto ille amplius futuris temporibus erat glorifican-
dus. Neque hoc duntaxat. Virgo enim non tantum ma-
gnificavit DEUM in semetipsa, ut dicebamus, non tantum
magnificavit DEUM in aliis, sed parum absuit quin dice-
reim, quòd illum magnificaverit etiam in semetipso. Si-
quidem ante Incarnationis in ipsa peractæ opus DEUS erat
DEUS, ut nemo nescit: erat tamen hominum tantum;
DEUS Abraham, DEUS Isaac, & DEUS Jacob: subinde au-
tem etiam factus est DEUS DEI; dum factus est DEUS
Christi. Ita audis, Christum ferali in ligno apertè dixisse,
DEUS DEUS meus quare me dereliquisti? Non satis illi erat
dicere DEUS, sed addere insuper voluit, *DEUS meus:* ut ad-
verteretur, quòd invocaret cum non solum ut DEUM o-
mnibus communem, sed ut suum proprium. An autem
hac magnificatione major cogitari poterat? & hanc tamen
à Virgine consecutus est DEUS. Gratulare ipsi sortem
hanc suam, qualis nulli alteri puræ Creaturæ obtigit: ma-
gis tamen illi gratulare, quòd præ omni alia pura Creatu-
ra sciverit respondere huic sorti suæ.*

II.

Considera quòd ad affirmandam absolutam omnibus
numeris gratitudinem, rectumque donorum acce-
ptorum usum, non dixerit Virgo, ut ceteroquin po-
tuisset: *Magnificat lingua mea Dominum sed Magnificat ani-*

A 3

ma

ma mea Dominum : idque eā causā , quia sine comparatione plus gloriae rependebat DEO mediis facultatibus suis intimis , quām rependeret verbis . Dum Virgo loquebatur cum hominibus de DEO , necesse illi erat uti vocanbulis , quibus vulgo omnes utebantur : at cū de DEO loquebatur cum DEO intra se , in agendis ipsi gratiis , in admirando , in amando , in laudando ipso , aliter se res habebat . In hoc non subjecta nostris loquendi formulis , utebatur sensis & affectionibus suis peculiaribus . Nostine autem tu , qualis hæ fuerint : hoc ut nosceres , nōsse prius oporteret , qualis Anima fuerit Anima MARIÆ Virginis . Hoc autem quis unquam intelliget ? Multæ filiae congregaverunt divitias , tu supergressa es universas ; quæ sunt Sapientis admiratione attoniti ad illam verba . Dixit , universas , non , singulas : si enim parte unâ bilancis ponerentur omnes omnium animarum electatum , ab ipsa distinctarum , divitiae ; alterâ autem divitiae Animæ ipsius unius , hæ non minus confestim illis præponderarent , quām aurum pondoris majoris alteri deficienti .

Prov. 3.
v. 29.

Ne igitur proveharis in mare vastissimum , ad hoc unum attende : aliam omnino nullam ē puris creaturis potuisse de tota sua anima propria ita disponere , sicut disponere potuit Virgo Sanctissima . Ratio ejus rei est , quia sola ipsa plenum perfectumque Animæ dominum habuit : adeò semper immunem illam ac liberam habuit ab omnibus aberrationibus importunis , ab omni perduellione , obstinatione , affectionibus minus compositis ordinatisque . Quanto igitur jure , quāmque merito dixit Virgo , *Magnificat anima mea Dominum ?* Dixit , quod nulla alia pura creatura dicere potuit , quia alia nulla unquam sic animam suam propriam dicere potuit , sicut illam dixit suam Maria .

An

An tu fortassis dicere unquam potes, quòd anima tua tua sit? quomodo tua, si tam parùm pro arbitrio dispone-re de illa potes? an non Ambitio, Ira, Invidia, Vanitatem jam proiectæ sunt, ut tyrannidem in illam exerceant? Quomodo igitur tuam amplius verè dicere potes? Prius- quam illam recuperes è manibus tam multorum hostium barbarorum, quam multæ sunt perturbatæ affectiones & propensiones tuæ, ne illam tuam jactes; nam etsi jure tua est, facto tamen & re tua non est. Et si re tua non est, quomodo tu quoque cum Virgine liberè dicere poteris, *Magnificat anima mea Dominum?* Ne hoc dixeris: irride-bunt enim te mali saltē Dæmones, qui probè nōrunt, traditam suæ possessioni re ipsa illam Animam, quam tu tuam appellas. Vox ista, quæ possessionem significat, paucorum à lingua citra omnem exceptionem profertur, à multorum lingua pessimè; sola Virgo semper & citra ullam exceptionem illam protulit.

Hinc est, quòd Anima ipsi fundi instar fuit, qui nun-quam non ipsi summè frugifer fuit; quantum enim boni in illo plantavit, quantum seminavit, id omne in suo se-minavit plantavitque. Quàm interim verum est, quòd ex Anima tua plus ad alios redeat, quàm ad temetipsum? Concionaris fortassis, scribis, typo committis, consilia ad virtutem suggeris. Quid autem hinc tibi commodi, si tu non iam tuus, sed hostium tuorum es? parum sane id tibi prodeisset. Leo, quem Samson suffocavit, paucis abin-de diebus favum mellis dulcissimum in ore habuit. Quis tamen illo est fruitus? quivis potius aliis, quàm ipse. Frui-tus est illo Samson ipse, fruitus hujus parens, fructa mater: solus Leo non est fruitus. Dolenda infelicitas! sed faxint boni Superi, ne talis sit & tua.

III. Con-

III.

Considera, Virginem, cùm magnificate illum vellet, à quo donis tam eximiis erat locupletata, potuisse verisimè dicere, *Magnificat anima mea filium meum*, dixisse tamen *Dominum*. Et quāid causā? non aliā, quām ut longissimè à se haberet vel umbram laudis propriæ. Ita Sanctis visum: dicere *Filium* fuisset uti vocabulo sibi nimium quantum glorioſo; cùm facere mentionem filij non potuifet, quin simul indicaret, quod ipsa Mater eslet. Quare maluit dicere *Dominum*: cùm vocabulo huic non aliis responderet titulus, quām *Ancilla*: *Ecce Ancilla Domini*. Et verò hic ipse erat ille titulus, qui Virgini p̄r omni alio arrisit: sic ut, si illa lætabatur, quod æterni Verbi Mater esset effecta, non ideo lætaretur, quod inde Domina Mundi esset hoc ipso effecta; sed quod ratione quadam peculia-ri, arctiorēque obligatione serva esset, quā ut Mater servire filio suo debebat, illum lactando, educando, custodiendo, & omne obsequij genus constanter exhibendo, quod mater egena p̄stata soboli suæ, quanto teneriori, tanto opis magis indiget. O verè proinde Beatum illum, qui nihil pluris facit, quām servire D E O! Lectissimis in Oratione abundare deliciis, illustrari miris modis, evehi, visitari, dona sunt æstimanda; sed non tantopere. Minimum, quod D E O exhibeamus obsequium plus multo vallet, quām dona quælibet, quæ à D E O in nos conferantur.

Tu igitur, qui audis, quomodo Virgo se gesserit, ejus tam egregio exemplo disce; non aliam in D E O perfectiōnem magis amare, quām quod sit Dominus tuus. Hæc est illa, quæ in memoriam tibi revocat, quod totum te proprio impendere debeas, quin quidquam inde spectes commodi, quod in te redundet. Si D E O servis ut Potens, ut Bonus,

Bonus, ut Beneficus est, ambigere potes, an non occulto aliquo tui amore ad serviendum impellaris: si servis ipsi, ut Dominus tui totius est, securus omnino es; sic enim pari ratione ipsi servies, et si mercedis planè nihil ab eo accipias. Inde tam bene scripsit ille; *Beata gens, cuius est Deus ejus.* Neque enim omnes beati sunt, qui verum adorant DEUM. Beati illi sunt, qui sic illum adorant, ut insuper ipsum habeant tractentque ut eum qui est, hoc est ut Dominum suum omnibus numeris absolutissimum.

Observa idcirco, quod Virgo ne quidem voluerit dicere *Magnificat anima mea Dominum meum*; dicere voluit *Dominum nullam adunctam voculam*, quæ restringeret; ut inde constaret, quod Dominus non magis sit Dominus hujus quam illius, sed æqualis omnium: *Idem Dominus omnium.* Atque ita nemo est, qui non par modo ipsi servire teneatur. Age igitur tu, dic DEO intimo animi cui sensu. *Dominus universorum tu es;* similique erubescere cum cogitas: Dominum tantæ majestatis eò se abjecisse, ut tui amore etiam formam servi assumeret: *Exinanivit semetipsum formam servi accipiens.* Atque hanc etiam ob causam potius dicere voluit Virgo *Magnificat anima mea Dominum*, quam aliud quidlibet; ut indicaret, non idcirco se Filium suum non agnoscere Dominum, quod illum ad servi conditio nem redactum intueretur. Observavit S. Dionysius, nullum unquam è Dominationum Choro Angelum in sacris Litteris legi missum ad serviendum cuiquam hominum; cui enim Dominatio congenita est, dura admodum & violentia illi futura fuisset servitus.

Quan a igitur res fuit, ad serviendum non uni dunt taxat seorsim homini, sed omnibus planè etiam vilissimi s.

B

& abje-

& abjectissimis, mitti eum, cui non tantum congenita est Dominatio, sed intima, sed à nullo penitus pendens, non autem, qualis Angelorum est, dono accepta! Enim verò fieri tantum opus non potuit sine summa violentia: cuius autem amoris infiniti. Mirum proinde non est, quod Virgo contemplans excessus abjectionis tam profundæ prorum. peret in hos clamores *Magnificat Anima mea Dominum.* Si homo tunc dignus est tanto majoris fieri, quod magis se abjicit, quanto dignior erit DEUS?

Et exultavit spiritus meus in DEO Salutari meo.

I.

Considera, æquissimum esse ut Magnificetur à nobis DEUS mediis omnibus nostris facultatibus tam intimis, quam externis; cum nunquam, ne à longè quidem, tam multas habere possimus, ut ad finem istum sufficiant: *Benedicentes DEUM, exaltate illum quantum potestis,* Eccles. 43. v. 33. *major est enim omni laude. Exaltantes eum replemini virtute.* Non ita se habet Exultatio in DEO: hæc enim à nobis exerceri non potest, nisi in recessu nostri intimo, dum Zach. 10. penitus in illo absorpti sumus: *Exultavit cor eorum in Domino.* v. 7. Hinc ad sociam nobis operam in hac magnificatione jungendam facile possumus invitare quemlibet, quemlibet Psal. 33. v. 4. *Magnificate Dominum tecum, & exalteamus nomen ejus in idipsum.* Neminem tamen invitare possumus, ut partem & ipse habere velit in exultatione, quam gaudemus. Prov. 14. v. 10. *In gaudio ejus non miscetur extraneus.* Qui hoc in se desiderat, necesse est ut ipse se præparet ad illud experiendum.

Hoc